

新疆圖志卷九十五

奏議志五

清

恪靖侯左宗棠奏稿

官軍布置後路進規南路摺

籌調客軍以資厚集摺

籌畫交涉事務片

會師攻克瑪納斯南城摺

覆陳移屯實邊摺

新疆圖志

奏議志五

官軍三道並進會克吐魯番兩城摺

進攻達坂城連克托克遜堅巢摺

嵩武軍蜀軍會克城隘詳細情形摺

逆酋怕夏仰藥自斃摺

統籌全局摺

官軍尅期進剿應防賊蹤紛竄摺

官軍連復喀喇沙爾庫車進規阿克蘇摺



左宗棠奏官軍布置後路進規南路摺

竊官軍會師克復各城詳細情形業於八月初一日馳陳旋據總理行營營務三品卿銜布政使銜西甯道法福凌阿巴圖魯劉錦棠稟報烏魯木齊迪化州各城克復後昌吉呼圖壁各城客土逆回及踞瑪納斯北城逆目余小虎均於六月底先後翻山鼠竄南路瑪納斯南城土回頭目墨寶財亦於七月初一日率其死黨向南竄逸餘逆猶踞城死守金順由昌吉親率各營赴瑪納督攻臣得金順函告兩城中間相聯關廂盡破擄大礮

新疆圖志

奏議志五

二

轟攻可期速克福珠哩書來亦云日夕可望得手也劉錦棠調知各城敗竄之賊伏匿東南山谷間覘官軍動靜遂下令分路搜山七月初六日提督譚和義陶生林等率所部取道七道灣赴東山提督黃萬鵬陝安鎮總兵余虎恩甯夏鎮總兵譚拔萃漢中鎮總兵譚上連取道大小鹽池墩向東南一帶節節搜捕至柴窩堡均畧有斬獲訊據活賊供稱敗賊眷口輜重已悉數南徙壯丁均麇集柴窩堡四百二十里達坂城其白彥虎余小虎等敗殘股匪踞南山小東溝口喉各賊赴南山大西

灌水西溝板房溝一帶收秋稼備乾糧俟官軍進攻達坂城卽乘機由南山古牧地阜康擾官軍後路劉錦棠一面咨商錫綸額爾慶額及東路各防營嚴密準備一面飭余虎恩譚拔萃率所部馬步於初九日仍赴鹽池扼紮派馬隊復進柴窩堡防賊橫竄是夜劉錦棠帶馬步各營向小東溝進發初十日黎明瞥見山旁騎賊數十飛奔而西遂整隊急追行四十里抵小東溝口追斬四十餘騎生擒三賊訊據供稱賊眷先一日移進金口峽距小東溝約九十里劉錦棠率馬部緊追比抵金口

新疆圖志

奏議志五

二

峽惟見老幼婦女踉蹌奔逃而白余諸逆則已率黨遁逃托克遜安集延賊巢矣劉錦棠令各營收賊遺未獲秋糧十二日仍返烏垣因後路古城濟木薩以西三台滋泥泉阜康等境時有零騎剽掠不辨其土回與遊勇復派馬步各隊會同該處防營嚴密搜捕適聞瑪納斯南城土回仍堅踞如故官軍屢次猛攻均未得手且有傷亡金順緘調數營助勦劉錦棠派甯夏鎮總兵譚拔萃道員羅長祐提督黃萬鵬總兵董福祥等率步隊六營馬隊五旗赴之八月十五日啟行尙未接其戰事稟

報也據探安集延酋怕夏已派賊騎五千合烏垣紅廟  
逸去之賊踞烏垣南二百餘里之達坂城即噶遜營以  
拒官軍怕夏自踞托克遜築三城爲犄角與其悍黨守  
之白余兩逆入托克遜怕夏待之甚倨並勒其隨行賊  
眾薙髮易服傍三城以居察度南路賊勢守吐魯番者  
拒哈密官軍守達坂者拒烏垣官軍皆所以護托克遜  
堅巢也而達坂<sup>坂</sup>托克遜尤悍賊麇聚之區賊騎皆多至  
數千守禦甚固臣現咨廣東提督張曜率所部嵩武軍  
由哈密之西進至瞭台入吐魯番界取道七克騰木以

新疆圖志

奏議志五

四

向闢展飭提督徐占彪率所部蜀軍由巴古之間分隊  
搜山凡通吐魯番各徑皆遍行搜捕搜過縱火焚山杜  
其零星伏匿其步大隊則由木壘河節節搜捕而進木  
壘河地勢寬衍可容萬騎亦饒水草本通吐魯番大道  
雍正中岳鍾琪奏稱以重軍駐此可保必效者也七克  
騰木闢展賊均設卡官軍須順道攻拔以便屯集糧餉  
軍火由七克騰木西行二百餘里則吐魯番其劉錦棠  
由烏魯木齊南下之軍宜先固後路計古城以西濟木  
薩三台滋泥泉阜康古牧地相距五百里金順所部防

兵陸續調撥前進底營寥寥劉錦棠分駐馬步各營仍應相隨南下臣緘商劉錦棠令各防營亦節節接捕前進然後以金順續調錫綸馬步各營扼之重後路之防劉錦棠馬步全軍僅二十五營既須分佈後路又須留守烏垣屯集糧餉軍火乃可進攻達坂城而進攻之軍行過小東溝口地方有橫路通托克遜又須分營扼截抄之賊是兵力以分而愈單也張曜徐占彪兩軍能速拔吐魯番分趨西北以攻達坂之南庶可牽掣賊勢與劉錦棠收夾擊之效而吐魯番毗連托克遜防禦又不

新疆圖志

奏議卷五

五

河少疎臣撥副將秦玉盛馬隊一營交徐占彪撥副將武朝聘馬隊一營交張曜並令炮隊游擊陳文英帶開花礮及仿製短劈山開花礮助之已陸續成行矣臣念劉錦棠全軍分而見單飭參將侯名貴所管礮隊護開花後膛大礮兩尊車架開花後膛小礮四尊又飭解後膛七響鎗三百桿勻配子藥赴烏垣續調肅州鎮總兵章洪勝總兵方友升帶所部馬隊兩營總兵桂錫植馬隊一營均歸劉錦棠節制調遣冀可稍助軍鋒凡所添調馬步加撥軍械均令次第前進其張曜徐占彪兩軍

已整齊隊伍準備啟行臣以兩軍防所距吐魯番道路迂直險夷不一程途遠近攸分應各確計日期以爲啟行先後之準其師期則由劉錦棠酌定庶彼此進止合度不致先後參差協力並規乃期周妥現接劉錦棠稟報已派十一營赴瑪納斯之調其必俟北路一律肅清收隊回烏乃能下兵南路師期固未可由臣預定也至南路今歲旱蝗爲災收成歉薄官軍轉戰而前恐未能因糧於賊自不得不預爲廣籌採運以赴戎機現飭古城採新糧三萬石備運烏魯木齊巴里坤採新糧七千

新疆圖志

奏議志卷五

六

石合歸包甯夏已採陳糧共二萬餘石備供徐占彪一軍及防營之用哈密無糧可採由肅州玉門燉煌採運新糧接濟約可二萬石備供張曜一軍之需徐占彪四行後以總兵徐萬福三營提督范銘一營填防張曜西行後以總兵劉鳳清豫軍八百人移駐七克騰木防獲運道哈密之防已咨辦事大臣明春就近辦理明春肯顧大局所部兵勇自簡練後均精實可用與張曜極爲聯絡差爲慰幸所有布置情形謹據實馳陳伏

乞聖鑒訓示施行

光緒二十二年九月十七日

籌調客軍以資厚措

竊臣與金順會師西征幸仗

皇威速勘北路應卽下兵南路規復舊疆南路自乾隆二十四年平定後建城凡八曰喀什噶爾曰英吉莎爾曰葉爾羌曰和闐曰阿克蘇曰烏什曰庫車曰喀喇沙爾世呼爲南八城而吐魯番別爲一部不在八城之列以其地在天山之南爲南八城門戶官吏兵民商賈赴回疆者必取道於此故志西域者附列之由吐魯番而西歷喀喇沙爾庫車阿克蘇葉爾羌英吉沙爾以抵喀

新疆圖志

奏議卷五

六

什噶爾計四十九台爲程四千一百餘里較之烏魯木齊至伊犁一千三百餘里程途遠逾三倍茲擬以劉錦棠全軍自北而南張曜徐占彪自東而西以規南路馬步各共四十餘營兵力不爲不厚然大軍前進不特後路根本之地兵力宜增卽餉糧軍火均宜層層設局以便取用是監護不可無軍也前敵攻克城堡必須留營駐以資撫輯是留後不可無軍也師行日遠留防之兵日增進戰之兵日減勢有固然況轉戰數千里士卒之傷亡疾病又在所不免不額數有缺則士氣易墮歷觀

軍興以來始稱精軍者末路或難復振半由乎鼎又查南路地勢東南長而西北狹由吐魯番達坂城西至阿克蘇尚可一路隨行無取分道並進一至阿克蘇則局勢寬濶中路一千四百里抵葉爾羌又三百六十里抵英吉沙爾又二百里抵喀什噶爾而阿克蘇之北切近伊犁葉爾羌之東南又遙與和闐相接均須分派大支扼其總要然後直搗中堅可以迅圖戡役矣溯查道光年間張格爾之變僅踞南路西四城故長齡楊遇春兵由烏魯木齊托克遜以進其時長清先扼阿克蘇憑河

擊退逆衆扼守阿克蘇然後東四城無敢蠢動而長齡楊遇春乃得據無賊之地以擊賊餉豐運速卒成底定之功此次兵由烏魯木齊進局勢依然而吐魯番達坂城托克遜皆爲賊踞前途二千餘里皆爲賊守其致力難易固已判然而餉之絀兵之少又不加當時遠甚與其徘徊中道始請濟師正恐曠日需時事有不可測者臣因此躊躇再四實不得不預擬增兵伏查現駐包頭之統領卓勝金軍頭品頂戴記名提督鏗僧額巴圖魯金運昌前在甘肅甯靈一帶會剿所部淮北勇丁好勇



尙氣甚耐勞苦金運昌整理數年愈就馴順近自黃甫  
川移紮包頭軍民相安頗得時譽臣自移駐肅州金運  
昌屢以在防無事堅請隨征臣時正以採運維艱難議  
增竈置之而金運昌西征之志益決所部各營官共相  
懇懇衆志相同聞其軍馬步五千有奇尙稱精實餉事  
每月三萬數千兩皖晉各任其半已有成說矣竊維北  
路解嚴山西包頭防軍本可議撤而金運昌全軍西上  
尤與遠防不如近勦之說相符金運昌前在金積堡與  
金順劉錦棠共事一方彼此尙稱孚洽今調其西征旣  
新彊圖志

奏議志五

九

期與劉錦棠同心又適符金順昌本願合之兩美於時  
局實屬相宜臣已函商山西撫臣鮑源深請其酌度資  
遣合無仰懇

天恩飭下該撫臣迅即轉飭金運昌乘秋末冬初迅速  
開拔西來歸劉錦棠調遣庶劉錦棠中路之軍得此後  
勁可以壹意馳驅而將來克復各城有移駐之軍更番  
迭進前敵兵力常足免滯戎機遇有必須分支防勦之  
時亦可不虞竭蹶矣至金運昌西來距皖愈遠每月半  
餉似難再由皖省解濟應由鮑源深與臣分任其半俾

該軍餉事得歸有著其軍糧別由臣津貼以照公允應  
否如斯伏祈

聖鑒訓示施行

光緒二十一年九月十七日

籌畫交涉事務片

再新疆與俄境毗連疆場之事一彼一此現當邊務交  
涉議論方滋不獨措置乖方遇事動多妨礙即語言交  
際偶爾失當亦足啟猜嫌爭執之萌臣奉

恩命督辦新疆軍務身在事中邊防利害之分百年安  
危之計既不敢不引為己任當先權其輕重緩急審機

新疆圖志

奏議卷之五

十一

宜以泛應合局勢以通籌庶期久遠相安詐虞可泯察  
看俄國情形雖權出一尊而事多分屬其來中國者暫  
雖馴謹有加似無尋衅生端之意然不慎之於始固有  
難策其終者現在邊方將軍都統各大臣除金順外臣  
多未曾謀面一切因應之宜有緘牘所不能詳者亦有  
未可形諸緘牘者相距過遠並有各處業已見之行事  
而臣猶無所聞者事關中外交涉誠慮議論分歧無以  
示遠人而照畫一合無仰懇

天恩飭下將軍都統各大臣於俄人交涉事件除現行

事宜本有定章應各照常辦理此外遇俄事交涉新疆  
者應咨<sub>臣</sub>定見主辦不必先與商議致遠人無所適從  
庶期徑路絕而軌轍可尋論說少而爭辯自息似亦省  
心省事之一道也應否如斯伏乞

聖鑒訓示施行

光緒二十一年九月十七日



左宗棠奏會師攻克瑪納斯南城摺

竊官軍會師攻克瑪納斯南城大概情形業經臣金順具摺馳報副臣宗棠接准臣金順咨會七月十五日率所部馬步各隊馳抵瑪納斯南城飭統領禮字營提督劉宏發紮南城正東親兵營總兵張大發紮城東北統領英字營副將方春發紮城東南與統領振武營副將徐學功統帶馬隊廣州副督統福珠哩聯絡一氣城西則令健銳營營官和振興駐紮臣金順率親軍步隊營官參將余致和與統帶定西營提督孔才分紮城北令

新疆圖志

奏議志五

十一

吉江馬隊翼長巴里坤領隊大臣沙克都林札布為游擊之師分布既定臣金順於二十日親率總兵鄧增都司張玉林以後睜開花大礮轟城東北角樓橫榻丈餘劉宏發方春發趁勢移卡逼紮城根臣金順與烏魯木齊領隊錫綸麾隊於缺口直上賊乘高死抗礮石如雨總兵李大洪熊佑林參將陸輝先冒鎗石搶登均被子申傷登時殞命方春發張玉林憤急猛撲均帶鎗傷張大發余致和率隊繼進更番仰攻緣城頭褊窄難於施展未能得手計是役鎗斃礮斃之賊約四百餘名官軍

陣亡亦一百餘名二十六日統帶官勝營提督馬玉崑  
遵臣金順檄調率隊抵瑪紮營城北八月初二日馬玉  
崑率隊潛登西北角樓斬守賊十餘人因羣賊譁覺拚  
死抗拒旋即收隊初三夜四鼓臣金順親督馬玉崑麾  
軍攀堞而上奪西北角樓賊負隅死鬪馬玉崑麾壯士  
連撲數次斃賊甚多適樓中賊儲火藥爲礮火引著棖  
桶倒塌勇丁被壓傷者十餘名馬玉崑亦被石傷副將  
銜游擊胡輝羣冒火衝殺被鎗子中傷殞命余致和麾  
隊直前回帶石傷猶裹創血戰劉宏發趕於西北角缺

新編圖志

奏議志五

十二

口搶築三卡高出城頭卯刻忽南風大作烟焰蔽空遂  
即收隊計是日斃賊約三百餘名官軍傷亡亦二百餘  
名嗣是城賊守備愈嚴晚間以繩繫柴草灌油燃燒光  
如白晝各面缺口均以蘆蓆裹土填砌沿城屋頂俱築  
堞口排設油鎗爲死守計孔才方春發復分軍於關廂  
內添築堅卡十一日訶知賊將出竄飭馬步各營嚴備  
劉宏發與營官劉占魁李大全率隊越卡截擊殺賊數  
十名劉宏發左手中指被飛子擊斷馬玉崑督隊繼進  
搶奪城樓斃賊多名賊復踞短垣密排又鎗子伺官軍

上城連環施放相持既久官軍傷亡者七十餘名十四日飭鄧增三等侍衛雙全以後膛開花大礮轟城西南兩面十五日飭玉馬崑仍於日夕率隊向西北角缺口搶登劉宏發率隊繼之孔才方春發兩軍由北門礮樓分東西攻擊和振興張長安攻西門礮樓張大發張志德余致和攻東北角樓徐學功劉春元攻東南角樓屆時臣金順憑高調度飭營務處委員知縣長庚員外郎周先檀佐領恩澤光祿寺署正余應鈞分面督攻各軍或肉薄而登或緣梯猱上斃悍賊多名西城門樓匿賊

蜂出官軍猛進賊既敗復又回撲如是者十數次定西營營官總兵張大發杜生萬緣城直上均被鎗傷斃命總兵銜副將司世道把總邵芝游擊楊占魁甫上城頭或中鎗傷或被矛刺皆逾時而殞計是役斃賊約七百餘名官軍陣亡二百餘名十七日總統湘軍西甯道劉錦棠派湘軍營務處道員羅長祐統領湘左軍甯夏鎮總兵譚拔萃統領旌善馬隊提督黃萬鵬統領董宇營總兵董福祥各率所部馳抵瑪納斯助勦當令紮營城南及西隅高築礮台並與臣金順所部分段修掘長壕

二十六日工竣適署伊犁將軍臣榮全抵瑪會勦二十九夜飭方春發由關廂內掘成地道九月初一日午刻舉發轟塌城身二丈餘方春發麾隊從缺口入賊憑城內短垣密施鎗礮牆上磚石紛飛未能搶進湘軍譚拔萃等同時由南面進攻亦因城頭賊衆密布無隙可乘開放大礮數十子飛入城中旋即收隊訊據難民供稱賊中僞元帥韓刑膿已被官軍礮斃初二日早臣金順所部與湘軍仍由缺口進攻賊預豎木柵加裹濕毡以擋鎗礮旌善旗官都司崔偉督隊猛攻手刃數賊臂

新疆圖志

奏議志五

十五

申矢傷拔矢疾戰賊拚死抗拒遂仍收隊回營計是役官軍陣亡勇丁十九名受傷弁勇九十五名十二夜方春發復於關廂內掘成地道湘軍營務處羅長祐及譚拔萃董福祥等仍由缺口進攻臣金順與榮全親督方春發馬玉崑各軍由北城樓進攻天色向明地雷舉發轟塌城身兩丈餘各壯士奮勇搶登斃賊無算忽南風大作烟塵障天咫尺莫辨乘勢猛撲提督楊必耀持刀督戰被鎗子中傷殞命孔才舉旗繼進亦被鎗傷計是役官軍傷亡百九十餘名十六十七等日賊乘夜越壕

經官軍鎗礮擊走旋又復來湘軍營官提督湯秀齋停止更鼓飭守壕弁丁靜伏壕邊并備繩索鐵鉤密排鎗礮待之夜深賊果復至鎗礮排擊斃賊頗多有三賊墮入壕溝官軍用繩繫鉤引之而上據供均係西河營賊黨原籍或西甯或河州因城中糧盡無路可竄逆首韓刑臚既斃海晏接充頭目遣令偵探虛實以便乘間竄走訊畢斬之十九夜三鼓海晏赴徐學功營乞撫稟臣金順示諭呈繳馬械網獻各逆首然後造餘衆名冊聽候點驗分別辦理海晏願即遵辦二十一日平明賊衆

新疆圖志

奏議志卷五

十六

二三千人突出西門老幼婦女居中悍黨持鎗械排隊夾護臣金順知其有詐飭所部各營列隊城北湘軍列隊城南皆嚴陣以待別撥馬隊分布隘口以防竄逸一面令徐學功向前開導諭令拋棄鎗械仍准免死僞元帥何祿忽開放洋礮嚇衆撲壕徐學功立麾部卒直前擒何祿斬於陣前各賊目及悍黨棄眷猛撲譚拔萃董福祥等督隊奮擊臣金順所部由北面截殺而來賊衆左衝右突斃者大半僞元帥黑峻見勢不支以洋鎗自斃其逸出之賊經臣金順所部與湘軍馬隊及榮全額



爾慶額所派八隊分途追斬無遺城中匿賊經步隊一律搜斬老幼婦女悉釋勿誅湘軍營官湯秀齋生擒偽帥馬有財與臣金順所部生擒偽帥海晏王奇干馬受等概由臣金順會同榮全提訊極刑處死其韓刑膿黑峻等口於克城後與肇亂之僞清真王妥得磷尸骸一併搜掘戮以示眾此二十一日官軍會師克復瑪納斯城擒斬首逆殲除悍黨之實在情形也臣宗棠續接總理行營營務處函甯道劉錦棠稟報湘軍戰狀核與臣金順咨報各情相符竊維新疆北路烏垣迪化等城克

新疆圖志

奏議志五

十一

復後陝回白逆等與昌吉呼圖壁瑪納斯北城距逆先後向南竄逸惟瑪納斯南城賊黨恃其城小而堅負隅死守官軍會師圍攻計兩月餘傷亡精銳甚多幸賴皇上威福將士一心俾積年悍賊悉數殲除在事諸軍功績卓著合無仰懇

天恩先加甄別以昭激勸所有死事諸員均係血戰捐軀深堪憫惻應請

旨飭部各照官階從優議卹餘俟查明彙奏所有官軍會師攻瑪納斯南城戰狀詳細情形謹合詞恭摺具奏

伏乞

聖鑒訓示施行  
光緒二十一年十一月十一日

新疆圖志



奏議志五

十八

左宗棠覆奏移屯實邊摺

竊臣欽奉寄諭翰林院侍講張佩綸奏請抽調旗丁屯田新疆一摺據稱烏魯木齊等處亟應興辦屯田以固邊防及三便三利各情形是否可行并如何辦理之處著左宗棠通盤籌畫妥議具奏原摺著鈔寄閱看欽此跪聆之餘敬仰我皇上因時損益執兩用中至意感服莫名比將張佩綸原奏詳加閱看並酌度事宜求可見之施行要諸永久者謹略陳之以備

聖明採擇竊維張佩綸原奏雖本開屯實邊立言而實則爲八旗生計愈艱亟籌因時制宜起見謹按八旗生齒日繁甲分有定國家以有定之錢糧養無限之丁口勢必有時而窮從前舒赫德孫嘉淦富俊英和諸臣先後條陳及之老成深謀遠慮固已預爲綢繆而究無成效可觀中外臣工且以窒礙多端人情不便爲慮難見諸施行者非無故也八旗官兵係出國初勲裔環衛京師體制餉糈較綠營爲優而營運資生之策則較綠營爲絀綠營兵丁餉糈雖薄應各差操之暇可傭雇謀

食手藝營生辭糧退休尙能自食其力八旗之聰明俊  
達者爲士勇敢強壯者爲兵惟在致身仕途博廉俸爲  
仰事俯畜之計無官祿者或傳習經業教練弓馬以其  
所能食於人已耳然不習行商販買之業不知服田力  
穡之勞不諳匠作工師之技於世之所謂四民者僅可  
名之爲士而農與工商無與焉日荒於嬉惟慢游自便  
望其食力行身俯仰足給豈可得哉又况逸豫之久由  
昏惰而長惡緣才者浸成廢才愚者或流於匪僻不僅  
飢渴之足爲心害也於是懷久遠之慮者急思有以極

之而移屯實邊諸議以起然事終多窒礙人情未免疑  
沮者約有數端八旗子弟扈從入關徐駐防各省外均  
萃居都中例禁無故遠出近雖允其游宦四方隨在隸  
籍而或以選補升轉之遲速考試錄取之難易京旗視  
外省爲優未肯舍之遽去一也都居旣久墳墓廬舍在  
焉賴祭產薄田住宅以給饘粥而蔽風雨一旦捐棄便  
致茫然二也少小卽無執業口分而外不名一錢今旣  
離故居而適新士舉目無依縱口分照常支給設有窘  
苦誰與賙恤設有緩急誰與通融三也四民之業惟農

最多亦惟農民最爲勞苦大凡以農世其家者子弟自  
成童後責其牧牛拾糞成人以後習鋤耨耕穫牽車扶  
犁之事故童而習之壯而稱良老以傳家也八旗官兵  
平時未親耒耜未知種植之宜未習農家諸務驟驅之  
隴畝責以爲農之效正恐耕也而餒在其中重煩籌濟  
四也此至礙疑沮之見於旗籍者也外省民事均責成  
各廳州縣監之以道府董之以兩司而督撫總其成今  
以旗員領旗兵雜民耕作兵與民不能耦居無猜官與  
官難言同舟共濟調停之術倘乖則箕帚鋤耨動成嫌

新疆圖志

奏議志五

一一一

隙錢穀交涉易啟猜疑誠恐於八旗生計無補而各省  
地方有司徒增煩累移屯之難一也移旗籍而興屯事  
遷徙路費及到地修造廬舍製辦耕具採購牛籽糧料  
一切需費甚繁邇值部庫空虛洋防塞防待用孔爲急且  
鉅更增此款時絀舉羸中外無從設措移屯之難二也  
此窒礙疑沮之見於官司者如竊惟張佩綸原奏移屯  
實邊諸策爲國家節經費爲八旗裕生計爲邊圉固封  
守洵爲濟時要務終難廢格不行部臣疆吏誼在奉公  
豈宜苟且目前置遠猷於不顧如果盡心協力甯勉圖

維行之以漸持之以恒亦未有爲其事無其功者八旗  
世居都下本取居重馭輕之義今議散之西陲移腹心  
之寄置諸股肱於初制似有未協新疆距京師萬里而  
遙遷移需費甚鉅創行之始百務艱難到地興屯數年  
之間耕穫未能遽覩成效臣之度隴也首以屯田爲務  
師行所至相度形勢於總要之處安設營卡附近營卡  
各處戰爭餘間卽釋刀仗事鋤犁樹藝五穀餘種蔬菜  
農功餘閒興廣開溝洫興水利以爲永利築寨以業遺  
民給耕具籽種以賙貧苦官道兩旁種榆柳垂楊以廢

行旅自臣以下至營哨各官於駐營之地日巡行視以  
勞來而勸勉之時逾八九年流亡漸復客作漸集所有  
兵屯之地盡付之民緩催科而急儲峙自涇州以抵嘉  
峪大道兩旁各廳州縣附近地方居然井竈相望而鄉  
野則尙未能遽復舊觀蓋隴上本土曠人稀邊塞又多  
沙石不毛之地也所以多費時日稍著薄效者由微臣  
家世寒素耕讀相承少小從事隴畝於北農南農諸書  
惟喜研求躬驗而有得所部楚軍向皆用出家不收游  
手其將領又多由傭耕作苦而來故以其所習課其所

能不煩教督而自勸至所屬蜀豫淮各軍則固未能一律繩之若以八旗不士不農之子弟散之邊陲驅之隴畝竊慮於八旗生計無所裨益而於國計邊儲則又有所損臣固不敢以爲然再四思維若本張佩綸之意而舉行

畿輔水利不但無其損且有其益請得而畢陳之直隸水利自虞集始徐貞明潞水客談言之至爲詳盡明代或作或輟迄鮮成功

國朝畿輔水利四案如怡賢親王之苦心經畫固已功

新疆圖志

奏議卷五十五

一一二

在民生而誦其遺烈者惟廣平府屬磁州溝洫依然歲獲豐稔餘則舊蹟湮沒難以覆按矣論者謂當時議興水利爲種秔稻計壯農方以霑體塗足爲苦又以稻非食用所需銷售不若麥豆雜糧之廣輿情不以爲便故法良意美終扞格而不行若專行溝洫之政聽民自種麥豆雜糧則因所利而利之其補潤澤而大豐美傳之久遠者當不僅磁州已也今直隸旱澇頻仍水利之興修宜亟八旗子弟雖難驟即田功但令其親畚鍤開濬溝洫當不以爲苦且散布於

畿輔之間工作餘閒仍可演習武藝有事一呼即應於  
居重馭輕之義更有攸宜而操作既勤執業專而筋力  
健蘄復曩昔敦龐純固之風無難異時頗牧之儔或可  
仍於禁旅中求之矣其天姿穎悟能讀書者聽其照舊  
應試捐委官職者隨時分發各省試用較見行事例而  
又寬之其次發赴各機器局學習製造增益其所不能  
上者可望一時專門名家之選下者執藝事以食於人  
不至悠忽無成坐費五穀是爲八旗籌生計之所從出  
於土之外增農與工兩途生計固可裕也直隸郡縣均

新疆圖志

奏議志卷五

一四

畿輔近地遷移之費無多旗兵每月餉糧應即由神機  
營直隸總督分給其由神機營派出者神機營各以其  
應得口分照舊開放由八旗派出者直隸總督酌提三  
口釐稅及酌撤客軍騰出之餉照神機營之餉章一律  
開放神機營與八旗旣各撥官兵移屯直隸先興水利  
該兵官等每月應劃留若干爲贍養家口之需若干爲  
本身赴工食用衣履之費應由神機營八旗傳詢明白  
酌定以歸劃一其人數多寡神機營與八旗約畧相等  
間起赴工到工則專由直隸總督遴派官委管束分段



課功獎勤責惰與齊民等神機營與八旗都統不復過問庶幾心志定而工作勤自有成效可期也迨直隸水利漸興八旗子弟漸習勞苦工作風氣漸開責其長爲農夫亦將安之若素直隸直東荒隙地畝固可就近安插作爲世業即山西陝西甘肅迤北地方水草豐美可耕可牧之區亦可議漸次移屯矣至新疆土曠人稀地多饒沃張佩綸原奏尙有引徵未及者臣前聞故雲貴總督林則徐當遣戍時大興伊拉里克水利前伊犁將軍曾奏請加新賦二十萬兩有奇惜其取之太多今畫

其地在吐魯番托克遜之間土名亦拉里水田甚多已屬劉錦棠張曜訪察其詳具報大抵東自木壘河起逾古城濟木薩而西三台滋泥泉阜康抵迪化州昌吉綏來再西至伊犁壤地肥潤種一石可獲數十石較之巴里坤哈密各城磽瘠薄收奚翅數倍方今新疆北路除伊犁外已一律肅清漢回土著子遺僅存屯務難以復舊誠移八旗丁壯屯於新疆事之便利勢之可乘無踰於此者特慮以未習農務之人驟處之艱難新復邊遠濶絕之地於生計未能裕於

國計未能節而邊防亦未能藉以爲重不但勞費可惜  
已也若先修直隸水利徐議移屯新疆似於事體尙無  
窒礙於人情亦免疑沮

諭旨飭臣通盤籌畫敢不披瀝愚忱一敬陳之可否

飭下神機營王大臣八旗都統會同戶部廣諮博訪定  
議具

奏以期妥慎伏乞

皇太后

皇上聖鑑訓示施行光緒三年二月二十九日

左宗棠奏官軍三道並進會克吐魯番兩城摺

竊自烏魯木齊迺化州兩城俱下即擬乘勝進規南疆  
因會攻瑪納斯城凱旋收隊大雪封山未能急進改以  
今年春融爲師期進兵次第一遵原議總理營務三品  
卿銜布政使銜西甯兵備道道騎都尉世職法福靈阿  
巴圖魯劉錦棠於三月朔由烏魯木齊踰嶺而南先攻  
達坂賊巢分軍會攻吐魯番記名提督雲騎尉世職哈  
西巴巴圖魯徐占彪由穆家池溝西南進入山排搜與  
嵩武軍分統記名提督博奇巴圖魯孫金彪會師鹽池

新疆圖志

奏議卷之五

二一七

先攻七克騰木接攻闢展分下諸城壘以攻吐魯番總  
統嵩武軍廣東陸路提督騎都尉世職加一級雲騎尉  
世職霍欽巴圖魯張曜由哈密西進以五營交孫金彪  
進駐東西兩鹽池親率大隊繼進疊據張曜徐占彪馳  
報徐占彪會商孫金彪以七克騰木地方爲吐魯番門  
戶築有堅壘賊所必爭應乘其不備迅圖拔取三月初  
五日徐占彪飭提督何玉超宋賢聲黃祖福率馬步三  
營度戈壁前進初六日夜抵離七克騰木二十里之張  
家卡賊壘更鼓懈弛何玉超等即飭步隊勇丁由壘北

爬入內外號鼓齊發賊始驚起黑夜倉皇奔逃馬隊邀截於外殺賊頗多初七日何玉超等率隊進攻七克騰木初八日徐占彪督後隊至晡時分三路進攻徐占彪率隊齊至四路猛撲呼聲震天號鼓雷動賊奪門而出徐占彪所部鎗斃紅衣賊目一名羣賊膽落無心戀戰向關展狂奔徐占彪孫金彪督隊急追沿途斃賊約百餘名生擒五名奪獲旗幟鎗械數十件馬十三匹初九日乘勝進攻關展甫至城邊賊望風西遁兩軍躡躅斃賊三百餘名生擒三十餘名孫金彪所部擒安集延

新疆圖志

奏議志五

一一八

賊二十五名內有賊目一名才米邪斯均訊明斬之奪獲鎗械百餘件騾馬二十四頭此二月初六初八初九日連克賊壘收復關城獲勝之情形也訊據賊供安集延頭目調關展一帶賊眾踞六古慶勝金台等處俟官軍前進併吐魯番守賊與官軍拚死一戰等語徐占彪孫金彪會商率隊分路前進十二日徐占彪行抵魯克沁城賊見官軍至出城迎戰揮馬隊衝之賊稍卻步隊繼進鎗轟矛刺賊不能支向西遁去孫金彪至連木沁台壘賊紛紛出竄擒斬數十躡踪緊追至勝金台該處

新築土城一座踞賊數百齊出抗拒孫金彪率馬隊步  
隊奮威衝擊斃賊甚眾生擒數十名內安集延二十三  
名奪獲鎗械數十件兩軍仍會合於哈拉和卓城東守  
賊倉皇出奔追斬頗眾十三日會師前進行至距吐魯  
番十里守卡賊併東路敗竄之賊列陣抗拒徐占彪從  
左路進孫金彪從右路進步隊大呼突陣鎗矛并舉賊  
殊死鬪乃麾馬隊分兩旁抄襲賊陣始亂紛紛潰竄兩  
軍緊追至城邊賊傾巢出拒敗賊復回戈博鬪正酣戰  
間道員羅長祐分領湘軍馬隊倏自北路馳至賊益駭  
愕不知所為三軍合勢夾攻斃賊無算敗賊向西路狂  
奔各軍緊追數十里沿途擒斬亦復不少怕夏所立阿  
奇木偽官馬人得乞降軍前孫金彪受之送羅長祐訊  
明處置即各收隊分駐吐魯番兩城本地躔回萬餘跪  
地乞命羅長祐徐占彪孫金彪逐加撫慰令各復業此  
三月十二十三等日攻拔魯克沁城連木沁台勝金台  
哈拉和卓城會克吐魯番滿漢兩城之大概情形也劉  
錦棠三月初一日由烏魯木齊率馬步十九營踰嶺而  
南初三日進攻邏坂城即噶孫營乘賊不覺已合長圍

分五營交羅長祐帶赴吐魯番會勦其達坂城戰狀尙未據稟報前來緣緘牘由烏垣驛站馳遞較由吐魯番遞肅遠踰千里不能速也謹將會克吐魯番大概情形先行馳報其達坂城戰事及會克吐魯番詳細情形容俟劉錦棠稟報到日再行具

奏合併聲明謹據實馳陳伏乞

聖鑒訓示施行光緒二十二年二月二十九日

左宗棠奏攻克達坂城連克托克遜堅巢摺

竊官軍會克吐魯番兩城大概情形已於三月二十九日專摺馳陳惟時劉錦棠攻克達坂城托克遜捷報由烏垣古城驛站遞肅較由吐魯番取道哈密遞肅遠輸千餘里未能速到茲據三品卿銜布政使銜西甯道騎都尉世職法福靈阿巴圖魯劉錦棠二月十三日由達坂城馳報三月初一日親率馬步各營旗及開花礮隊由烏魯木齊踰嶺而南初三日抵柴窩舖派隊修壘留營駐紮偵知達坂踞賊堅守如故遂於是日黃昏派陝

新疆圖志

奏議卷五

三一

安鎮總兵余虎恩提督陶生林黃萬鵬參將崔偉畢大才禹益長禹中海游擊李金良夏辛酉各率馬隊漢中鎮總兵譚上連提督戴宏勝陳廣發譚和義各率所隊於是夜初鼓銜枚疾走乘賊不覺逕趨達坂期以五鼓會集城下立合鎖圍杜賊竄逸夜間我軍前進中途斬賊探探才騎近城十餘里又擒兩賊一安集延兵一本地纏頭回訊供達坂城之賊尙謂官軍在紅廟未來也近城一派草湖淤泥深及馬腹蓋賊新引湖水圍阻官軍者余虎恩陶生林夏辛酉率馬隊掠過深淖列城左山

岡譚上連譚和義戴宏勝陳廣發率步隊列城後山河黃萬鵬崔偉畢大才馬正國等各以馬隊與余虎恩馬隊聯接成陣禹中海禹益長李金良等各以馬隊與譚和義聯接成陣天明霧收賊在城頭瞥見官軍環列圓陣勻布整齊擊洋鎗指擊並發開花大礮我軍傷亡十餘人屹立如故自卯至午城中鎗礮不歇劉錦棠策馬周覽城壕誘賊出擊所至賊鎗密注子下如雨從騎有傷者劉錦棠坐騎亦中子立斃易馬而前飭各營嚴防衝突一面築壘掘壕以斷援賊初五日甯夏鎮總兵譚

援萃解開花大礮至相地築立礮臺探報山後有賊五六百騎來援比飭陶生林等率馬隊迎頭往剿甫出隘口與賊相遇鎗礮對施賊殊猛撲余虎恩令長矛手上前攢刺立斃悍賊十餘名陶生林夏辛酉率隊左右包抄賊騎却退官軍追逐五六里擒斬頗多忽前途騎賊千餘紛馳而至敗餘之賊遂竄入其羣一併狂奔而逸訊據生擒賊供先後兩起騎賊均怕夏第二子海古拉嗾令來達坂探援者不虞甫近達坂即爲官軍擊敗賊中投出纒回報稱安夷盼援不到官軍鎖圍日逼羣議



突圍而走劉錦棠傳令嚴防夜間列燧照耀光如白晝  
初六日城東礮臺成是夜初鼓礮臺子牆成劉錦棠令  
參將侯名貴都司莊偉率弁丁護開花大礮三尊測準  
安放飭先轟賊中大礮臺次轟月城及城垛三礮連環  
疊轟勿任間斷踰時城中礮臺傾圮城身及月城已轟  
坍數口最後一子飛墮城中子藥房砉然一聲山摧地  
裂大風驟起火燄更張引燒賊儲藥彈及所有開花子  
碎旬震撼賊中人馬碎裂遺齒堆積城賊開東門結團  
竄走東馳西突經官軍刀矛攢刺卒不得出劉錦棠傳

令賊中裝束稍異者縛獻有賞於是大小頭目悉致麾  
下無一人一騎漏網者總計是役礮斃陣斃焚斃之賊  
二千數百餘名生擒一千二百餘名奪獲賊馬八百餘  
匹精利鎗礮軍械一千四百餘件大開花銅礮一尊官  
軍陣亡員弁勇丁五十二員名受傷者一百十六員名  
此三月初七日克達坂城夷回悉數擒斬之詳細情形  
也劉錦棠飭道員羅長祐等提訊生擒各賊計安集延  
人二百十三名南八城及吐魯番托克遜等處纏回八  
百六十五名哈喇沙爾土爾扈特種人六十九名本地

回民一百六十四名內有安集延夷官大通哈一員其名爲愛伊德爾呼里大通哈者猶華言大總管也又安集延胖色提六員一愛什邁特一宜牙子邁特一毛喇阿邁特一他亦爾呼羅一愛里邁特一邁買地里胖色提者猶華言營官也又安集延玉子巴什三十六員南八城玉子巴什二十二員玉子巴什猶華言哨官也其餘夷職尙多則華稱管理執事什長之員纏回與安集延語言相近劉錦棠令纏回通事傳話譯供得其崖略據大通哈愛伊德爾呼里供願遣人報知怕夏縛送逆

新疆圖志

奏議志卷五

二二四

回白彥虎表歸順之誠繳回南八城地方再求恩宥各胖色提同聲代怕夏乞款劉錦棠諭令其歸向怕夏面陳一切愛伊德爾呼里等堅稱情願留軍中俟怕夏回音以明心跡劉錦棠許其各遣親信數人告知怕夏及姆古拉將大通哈等發交奈虎恩暫行羈押將玉子巴什等解交留防烏魯木齊提督湯秀齋看守其就縛之南八城各回土爾扈特種人及土回等則均給以衣糧縱令各歸原部候官軍前進或爲內應或導引各酋自拔來歸各賊日於喪膽之餘懷不殺之德皆驚喜過望

踴躍歡呼而去其前此潛赴烏垣求撫土固三百餘名  
給以牛種令就達坂舊城水城耕墾栽植俾復故業料  
量甫畢十一日潛師夜起十二日辰刻抵白楊河派道  
員羅長祐甯夏鎮總兵譚圻萃肅州鎮總兵章洪勝巴  
里坤鎮總兵席大成提督陶生林譚和義湯仁和率馬  
步六營分由東南進吐魯番劉錦棠自率漢中鎮總兵  
譚上連提督黃萬鵬張沛李隆寶戴宏勝陳廣發賀長  
發總兵董福祥副將胡登花參將田九福崔偉畢大才  
禹益長馬正國禹中海游擊李金良等馬步十四營由

西南進直搗托克遜城行九十里未刻抵小草湖據托  
克遜繼回報安酋聞達坂已失大小頭目無一倖脫驚  
懼不已急圖逃竄逆首白彥虎嗾其死黨四出搶掠人  
畜焚燒村堡裹脅纏回隨同奔竄泣求大軍速援並稱  
大軍所遣免死回目馳歸宣布官軍威德回衆無復疑  
懼俱延頸以待官軍劉錦棠立飭將士傳餐畢馬隊先  
發步隊繼之晡後齊抵近城十餘里間瞭見前面火光  
四起隱隱聞鎗礮聲知賊正圍攻莊堡也黃萬鵬即率  
所部馬隊急進忽馬步賊隊從路旁空莊衝出將官軍

前後包圍勢殊猖獗黃萬鵬崔偉畢大才禹益長禹中海李金良縱橫衝殺正鏖戰間劉錦棠率馬步大隊馳至飭譚上連戴宏勝陳廣發賀長發出左路董福祥田九福由右路橫截而出劉錦棠自率各隊由中路繼進比近城號鼓齊鳴殺聲振天賊衆驚潰舉火自焚存糧火藥棄城而逃官軍緊追鎗礮止刃矛接黃萬鵬等復從內殺出賊屍遍野餘賊紛竄天明瞭望敗賊約千餘騎向西而逃劉錦棠飭譚上連董福祥率所部馬步追之立復托克遜城撲熄餘火而本地纏回及所裹吐魯

番哈密迪化陝甘各處回民約二萬餘齊跪馬前乞降劉錦棠受之令繳鎗械戰馬聽候遷移安插午刻譚上連黃萬鵬等回報追賊三十餘里斃賊三四百名生擒十九名奪戰馬數十匹鎗械數百件而還訊據生擒賊供海古拉白彥虎於十二日各帶隨身騎賊護其輜重及開花大礮洋鎗蒼黃西竄留悍賊二千餘並本地纏回及裹來吐魯番哈密各處回衆以綴官軍是役斃賊約二千餘名生擒百餘名奪獲戰馬數百匹槍械二千數百件受降二萬有奇而官軍陣亡者三十九員名受

傷者五十三員名此三月十三日劉錦棠一軍克復托克遜城之詳細情形也十五日劉錦棠接譚拔萃羅長祐等馳報奉派分路前進盡一日一夜之力十三日寅刻齊抵吐魯番適張曜徐占彪兩軍同日從東路馳至遂會克滿漢兩城安集延所置阿奇木馬人得詣軍前乞降回眾萬餘跪地求撫羅長祐等受之吐魯番全境蕩平竊維官軍自上年克古牧地堅巢連復烏魯木齊兩城軍威日盛安集延酋怕夏及陝西逆回白彥虎甘回馬人得等偷息南路官軍本可乘勝急進掃蕩而前

以取破竹之勢因會攻瑪納斯南城稍滯戎機至十月以後大雪封山則履冰踰嶺勢有難行矣怕夏與白逆得乘其暇移寔坂新城於兩山間高厚堅整迥殊常度築成怕夏以大通哈及大小各頭目踞爲堅巢又以托克遜爲由烏垣紅廟進南路總要隘口形勢最勝堅築兩城於此官軍不能飛越築成怕夏以次子海古拉率悍黨踞爲堅巢至吐魯番雖路通哈密然東距哈密尙千餘里東北距巴里坤古城中段穆家地溝一帶七百餘里自東西鹽池以東又分遣賊黨樵踞其吐魯番舊

有滿漢兩城本尙完固海古拉又日役萬夫修築王府  
雄濶堅固足資踞守怕夏固自謂設險重疊有恃無恐  
也不料達坂遠爲官軍所破一人一騎不返官軍乘勝  
進攻托克遜風聲一播白彥虎卽棄吐魯番海古拉卽  
棄托克遜踉蹌而逃曾不停趾也以目前局勢言之南  
八城門戶洞開應卽整旆長驅以符緩進急戰之議惟  
怕夏自去冬派其大通哈等守達坂城海古拉守托克  
遜城白彥虎馬人得守吐魯番城原擬力抗官軍自居  
哈喇沙爾爲中權伸縮自如計茲海古拉白彥虎敗蹙

新疆圖志

奏議志五

二二八

西逃達坂破而大通哈就擒吐魯番棄而馬人得就撫  
爲怕夏計如知去逆效順縛白彥虎獻南八城固可不  
重煩兵力否則深溝高壘先據形勢圖老我師則官軍  
分道長驅集糧轉饋事不容已仍宜多方措置勞與費  
不能惜也官軍由吐魯番進哈喇沙爾爲程一千零二  
十里由托克遜進哈喇沙爾近一百八十里水草雖可  
就便而沿途產糧非多仍須裹糧而行一面由吐魯番  
節節轉饋而前姑免缺乏吐魯番產糧雖廣時值新穀  
未升一時採運維艱無可指成數且官民駝隻疲乏已

極又值歇廠屆期長途運脚無從雇備勢非仍由巴里  
坤哈密轉現糧用車馱灌輸吐魯番不可現飭哈密巴  
里坤兩局就儲存之糧分撥車馱一由巴里坤入穆家  
巡溝取道七克騰木關展以達吐魯番一由哈密取道  
瞭墩以達吐魯番且需協濟前敵各軍車馱由吐魯番  
轉托克遜是戰事利鈍雖在前茅而探運勞費仍責重  
後路也臣飭劉錦棠速謀進取務出萬全咨張曜同赴  
前行兼籌糧運飭孫金彪徐占彪留吐魯番加意拊循  
毋失回民之望委候補道雷聲遠帶同隨營文員赴吐  
魯番設局辦理撫輯採運善後事宜委狄道州知州奎  
拔署理吐魯番同知委候選府經歷賀炳翬署吐魯番  
巡檢委補用典史陳壽樽署闢展巡檢均刊給木質關  
防印記營理回務盤詰游匪以靖地方已據稟報成行  
矣此次大軍約期三道並進兩旬之間攻拔各要隘疊  
復各城池將領士卒持滿而發奸夷逆賊應弦而下斬  
擒以萬計受降以數萬計是皆仰賴  
聖謨廣運運於萬里以外情狀洞矚無遺而諸軍感荷  
皇仁踴躍奮勉迅赴戎機其勞績實有未可掩抑者合

無仰懇

天恩加之獎敘以勵前勞而策後效庶邊方歲事有期  
矣所有死事各員均係攻堅奪隘血戰捐軀深堪憫惜  
應請旨飭部各照官階從擾議卹以慰忠魂餘俟查明  
彙奏謹將官軍進規南路攻克達坂城夷回擒斬無遺  
連克托克遜堅巢並分兵會克吐魯番滿漢兩城詳細  
情形會同幫辦新疆軍務大臣伊犁將軍臣金順恭摺  
馳陳伏乞

聖鑑訓示施行

光緒二十二年四月二十五日

新疆圖志

奏議志五

四十



左宗棠奏嵩武軍蜀軍會克城隘詳細情形摺  
竊官軍會克吐魯番大概情形臣於三月二十九日  
專摺馳陳先慰

聖厪茲據廣東陸路提督騎都尉世職加一雲騎尉世  
職霍欽巴圖魯張曜記名提督雲騎尉世職哈西巴巴  
圖魯徐占彪續報張曜與徐占彪得劉錦棠緘告擬暮  
春之初大舉南下維時張曜已先派所部記名提督博  
奇巴圖魯孫金彪分統五營先紮東西兩鹽池三月初  
一日率大隊由哈密繼進徐占彪率所部由巴里坤古

新疆圖志

奏議卷之五

四一

城中段穆家地溝撥山而進與孫金彪會師於監池鹽議  
以七克騰木地方堅壘爲吐魯番要隘賊所必爭初五  
日徐占彪飭提督何玉超宋賢聲總兵黃祖福率馬步  
三營暗度戈壁初六夜抵張家卡賊壘夜靜更鼓稀少  
似尙不知官軍已至也何玉超等選派勇卒數十由北  
隅攀登周廡而呼號鼓齊發賊攬衣起倉卒不知所爲  
官軍乘勢啟門一擁而入遂奪卡壘據之初七日何玉  
超等率隊進攻七克騰木初八日徐占彪察看地勢分  
軍三路進攻同日孫金彪率隊齊至四面合攻連施鎗

礮兩軍愈戰愈猛賊不能支奪門逃竄有紅衣賊日一名領羣賊出戰兇悍異常徐占彪飭礮手指擊應聲而倒羣賊向西路狂奔徐占彪孫金彪督隊躡追沿途斃賊約百數十名生擒五名奪獲鎗械百餘件戰馬二十餘匹初九日乘勝進攻闢展甫至城邊賊望風而遁徐占彪孫金彪督隊躡斃賊數百生擒三十餘名孫金彪所部陣擒安集延賊二十五名內頭目一名裝束稍異供名才米邪斯係安集延酋派守闢展城者訊畢斬之遂復闢展城是役計奪獲鎗械百餘件健馬數十

匹此三月初六初八初九等日攻克張家卡七克騰木各城壘並會克闢展城之實在情形也孫金彪等會議賊或調集醜類節節準備則攻取爲難不如出其不意迅速掩擊易於蕞事十一日各率所部分道急進徐占彪率所部蜀軍由左孫金彪率所部嵩武軍由右十二日抵連木沁城賊聞官軍驟至紛紛出竄孫金彪督隊疾馳斬賊數十名立將連木沁城克復查該處係新築之城城中纏回甚多跪地乞撫孫金彪受之並將所獲牛馬發給撫回張貼告示令其安業仍督隊抵勝金台

該處亦有新築土城踞賊數百背城迎拒孫金彪飭步隊與賊挑戰飭游擊林秀全等率馬隊繞後抄擊賊陣遂亂四散狂奔立將勝金台新城攻拔追斬騎賊二百餘名生擒數十名內有安集延兵二十餘名奪獲鎗械數十件是日辰刻徐占彪督隊抵魯克沁城賊見官軍至即列隊城邊拒戰我軍以馬隊衝之賊亦以馬隊抵禦我軍步隊以長矛繼進騎賊卻退由城北折轉城西向吐魯番竄去城中守賊亦奪門西遁兩軍仍會合於哈拉和卓城東城中守賊倉皇出走飭馬隊躡追敗之

新疆圖志

奏議卷之五

四二一

收隊入城安撫本地回民十三日丑刻兩軍疾趨行距吐魯番十餘里地方探報賊已傾巢出竄劉錦棠已由達坂派馬步各營星夜由北面馳至三軍會同收復吐魯番滿漢兩城安集延所立阿奇木偽官馬人得降於軍前本地纏回萬餘羅拜乞命劉錦棠所派道員羅長祐孫金彪徐占彪受之令呈繳馬械各安生業查吐魯番漢城本纏回所居滿城爲安集延所踞逆豎海古拉修建偽府壯濶逾常其軍械軍糧萃聚於此事後藉獲賊糧數十石賊儲子藥約三十餘萬斤此三月十二十

三等日嵩武軍蜀軍連克魯克沁城連木沁台勝金臺  
哈拉和卓城會同收復吐魯番滿漢兩城之實在情形  
也竊維吐魯番舊本車師王庭形勢與古城並重大軍  
由東道進規南入城必間途於此回亂以來地爲安夷  
所踞防守益嚴安酋怕夏自占踞吐魯番征歛繁重唐  
使其民纏回苦之久矣顧爲其詐力所屈欲自拔而不  
能臣上年擬下兵南疆當三路同時並進使賊備多力  
分不至爲所牽綴而張曜徐占彪兩軍進取之期合各  
以防所遠近爲先後尤必出劉錦棠酌定帥期庶幾程

新疆圖志

奏議志卷五

四四

途適均不至彼此參差以愆期致貽後悔而哈密抵吐  
魯番爲程千一百餘里巴古中間取道穆家地溝通車  
大道以抵吐魯番亦七百餘里尙不若由烏魯木齊取  
道達坂城抵吐魯番僅只四百餘里之較捷也茲張曜  
徐占彪一聞劉錦棠進兵有期即各自防所絡繹奔赴  
三月初五日以後次第攻克城卡遊赴戎機卒能於十  
三日與劉錦棠別部同時會克吐魯番滿漢兩城以戰  
事言似未若達坂托克遜之神奇而破敵之果赴機之  
速實微臣始願所不及也非將士踴躍用命其效固不

臻此應懇

天恩先加甄敘以昭激勸所有嵩武軍連克城隘並會  
師克復吐魯番滿漢兩城詳細情形謹會同幫辦新疆  
軍務大臣伊犁將軍臣金順恭摺馳陳伏乞

聖鑑訓示施行

光緒二十二年四月二十五日

新疆圖志



奏議志五

四五

左宗棠奏逆酋怕夏仰藥自斃摺

竊達坂大捷安集延兵頭大通哈胖色提等慨行就縛  
自請公同上書酋長怕夏擒陝西逆回白彥虎解赴軍  
前獻還南八城再懇

恩宥劉錦棠許之令其各選親信數人同所遣八城纏  
回前去去後迄未得其回報茲據劉錦棠稟五月十四  
日有哈密回王邁哈默特從前疊次所遣探迎其母之  
回目和加木牙斯買賣色德可又阿布都買賣提繞孜  
買賣提又蘇卜爾藍秋如可等六名帶同逃出難回到

新疆圖志

奏議卷五

四六

托克遜投營並特回哈密大臣路崇呈驗訴稱我們前  
後奉親王三次派赴南路訪尋老福晉一人吐魯番境  
均被安集延卡兵盤獲送托克遜見怕夏怕夏即將我  
們監押嗣隨怕夏到庫爾勒地方仍照前監押七年聽  
得官軍破古牧地得了紅廟子安集延人盡死其頭目又被  
害怕今年官軍破達坂城安集延人盡死其頭目又被  
生擒纏頭九百餘人蒙恩釋放怕夏殺過數十人監押  
一半餘俱潛逃回家各城纏回畏官軍之威感官軍之  
德愈恨怕夏不服其約束怕夏知人心已去日夜憂拉

四月上半月服毒藥死了其子海古拉將屍沈水中三日取出用香牛皮包裹喉其死黨昇行昨聞庫車回子已將海古拉拏去原留庫爾勒之安集延大通哈胖色堤一聞此信即將庫爾勒之糧倉軍火財物交白彥虎接管星夜馳赴庫車我等繞南面海沿子逃歸等情據張曜牘開吐魯番纏回陸續自喀喇沙爾逃歸者僉供四月初十內外怕夏在庫爾勒飲藥自斃帕夏之子率黨夥向西竄去白彥虎移踞開都河兩岸與劉錦棠稟報相同是逆酋帕夏畏懼自盡確鑿可據惟逆豎海古

新疆圖志

奏議卷之五

四七

拉經庫車纏回拏去如何下落尙無確報頃復據張曜轉據營克沁回日邁引報四月二十三日派薩吾提等五人前赴羅布淖偵探賊蹤見羅布淖伯克據稱老帕夏在庫勒死了小帕夏護屍西走將庫勒事務交白彥虎並派有阿克木管理小帕夏走到庫車有托胡的夏帶領庫車阿克蘇薩牙三處纏回頭將小帕夏及和闐呢牙斯阿奇木伯克兩人殺了並將安集延人殺散其留在庫勒之阿克木得信即將銀錢交付白彥虎說庫車三處人現與小帕夏打仗我去一看就來想是不回

來了查所供之小帕夏即指海古拉庫勒即庫爾勒也  
薩吾提等並言羅布淖伯克盼官軍早到並開其子孫  
三品伯克三名五品伯克三名七品伯克三名花名清  
單呈閱連旬以來疊據各營偵報大略相同是逆子海  
古拉經庫車阿克蘇等纏回截殺亦確鑿可據竊維安  
集延酋帕夏本浩罕四部之一浩罕既亡帕夏乘中原  
多故遠畧未遑竟敢盜踞南疆招納潰兵叛弁盡取回  
部四千餘甲據而有之與北路客回同惡相濟迨

天戈西指不即束身歸命遁歸故巢竟敢勾結漏誅逆

新疆圖志

奏議卷之五

四八

回白彥虎肆其披猖公然抗拒及古牧大創烏垣紅廟  
子疊克猶復堅據達坂托克遜吐魯番各城隘遏大兵  
南下之鋒爲三窟深藏之計諸將士肅申

天討甫及旬餘各城隘一律掃除而達坂之克無一人  
一騎得還老賊尤爲膽落比逆屬大通哈愛伊德爾呼  
里等勸其縛送白彥虎獻回南八城自贖而帕夏聞敗  
震懼不能制白彥虎又平時恃其詐力虐遇纏回攫其  
資財掠其男女靡惡不爲纏回怨毒已深至是羣思報  
復帕夏有所聞憂惶無措決計自斃希免顯戮而逆子



昇屍西竄中途復經庫車阿克蘇等纏回截殺是誠積惡滅身天網無漏也查怕夏自稱畢調勒特汗有子四人長哎哥次名哎都魯股魯急呼則海古拉第三子曾充阿克蘇伯克四子曾在吐魯番均不知名其留守本境之長子哎哥則尤非怕夏所愛也其留守喀什噶爾者聞係何姓本前換防武員不知何時叛投安集延以其女改名色哩嗎罕妻怕夏聞現尙帶叛兵二千餘此外除安集延兵數千又有漢人五六千纏回萬餘人在彼耕種經商當兵均雍辯回裝以自別據各路偵報所

陳如此謹參核而識其大略尙未知確否也安集延在浩罕各部中素稱強悍敢爲大言道光初張格爾爲變即恃其部衆爲親兵與官軍抗部人以經商致富與泰西諸國通亦頗習其製造怕夏性暴而貪竊踞南疆八城後狡焉思啟不僅夜郎自大已也此次屢經大創自取滅亡回部內訌已成瓦解之勢計八城中除喀什噶爾尙須重煩兵力此外師行所至當無敢再抗顏行者劉錦棠張曜軍律嚴明盡心撫輯從賊中逃歸者隨時安集各處之被賊裹脅者隨時資遣計送歸烏魯木齊

者二千七八百名口送歸哈密者二千五六百名口皆給以牛種賑糧俾得各安生業遠近聞風景附不約而同察看情形南疆戡定有期差堪仰慰

聖厯所有夷酋自斃逆子復經截殺緣由謹據實陳明伏乞

聖鑒訓示施行

光緒二十二年六月十六日

新疆圖志

奏議志五

五十

左宗棠統籌全局摺

竊臣於五月二十四日欽奉

諭旨關外軍情順利吐魯番等處收復後南八城門戶  
洞開自當乘勝底定回疆殲除醜類以竟全功惟計貴  
出於萬全事必要諸可久吐魯番固爲南路要隘此外  
各城如阿克蘇等處尙有可據之形勢否回酋報知怕  
夏縛送白彥虎繳回南八城之說是否可恃伊犁變亂  
多年前此未遑兼顧此次如能通盤籌畫一氣呵成於  
大局方爲有裨該大臣親總師于自以滅此朝食爲念

新疆圖志

奏議卷五十一

五十一

而如何進取如何布置諒早胸有成竹爲朝廷紓西顧  
之憂其卽統籌全局直抒所見以慰塵念等因欽此跪  
誦之餘具仰我

皇下上眷顧西服

聖慮深遠於保大之中塵馭邊之略欽佩何言竊維立  
國有疆地古今通義規模存乎建置而建置因乎形勢必  
合時與他地通籌之乃能權其輕重而建置始得其宜伊  
古以來中國邊患西北恒劇於東南蓋東南以太海爲  
界形格勢禁尙易爲功西北則廣莫無垠專恃兵力爲

強弱兵少固啟戎心兵多又耗國用以言防無天險可  
限戎馬之足以言戰無舟楫可省轉饋之煩非若東南  
之險阻可憑集事較易也周秦至今惟漢唐爲得中  
策及其衰也舉邊要而捐之國勢遂益以不振往代陳  
蹟可覆按矣顧祖禹於地學最稱淹貫其論方輿形勢  
視列朝建都之地爲重輕我  
朝定鼎燕都蒙部環衛北方百數十年無烽燧之警不  
特前代所謂九邊皆成腹地即由科布多烏里雅蘇台  
以達張家口亦皆分屯列戍斥堠遙通而後

新疆圖志

奏議卷五

五二一

畿甸宴然蓋

祖宗朝削平準部兼定回部開新疆立軍府之所貽也  
是故重新疆者所以保蒙古保蒙古者所以衛

京師西北臂指相聯形勢完整自無隙可乘若新疆不  
固則蒙部不安匪特陝甘山西各邊時虞侵軼防不勝  
防即直北關山亦將無晏眠之日而況今之與昔事勢  
攸殊俄人括境日廣由西而東萬餘里與我北境相連  
僅中段有蒙部爲之遮闔徙薪宜遠曲突宜先尤不可  
不預爲綢繆者也

高宗平定新疆拓地周二萬里一時帷幄諸臣不能無耗中事西之疑

聖意堅定不搖者推舊戍之瘠土置新定之腴區邊軍仍舊餉不外加疆宇益增鞏固可爲長久計耳方今北路已復烏魯木齊全境祇伊犁尙未收回南路已復吐魯番全境祇白彥虎率其餘黨偷息關都河西岸喀什噶爾尙有叛弁逃軍終煩兵力此外各城則方去虎口如投慈母之懷自無更抗顏行者新秋採運足供餘糧栖畝鼓行而西宣布

新疆圖志

奏議卷五十五

五十二

朝廷威德且剿且撫無難挈舊有之疆宇還隸職方此外如安集延布魯特諸部落則等諸邱索之外聽其翔泳故區可矣英人爲安集延說者慮俄之蠶食其地於英有所不利俄方爭土耳其與英相持我收復舊疆兵以義動設有意外爭辯在我仗義執言亦決無所撓屈至新疆全境向稱水草豐饒牲畜充牣者北路除伊犁外奇臺古城濟木薩至烏魯木齊昌吉綏來等處回亂以來漢回死喪流亡地皆荒蕪近惟奇台古城濟木薩商民散勇壯著民人聚集開墾收穫甚饒官軍高價收

取足省運脚餘如經理得宜地方始有復元之望南路各處以吐魯番爲腴區八城除喀喇沙爾所屬地多磽瘠餘雖廣衍不及北路而饒沃或過之矣官軍已復烏魯木齊吐魯番雖有駐軍之所而所得腴地尙不及三分之一若全境收復經畫得入軍食可就地採運餉需可就近取資不至如前此之拮据憂煩張皇靡措也區區愚忱實因地不可棄兵不可停而餉事價絕計非速復腴疆無從著手局勢所迫未敢玩愒相將至省費節勞爲新疆畫久安長治之策紓

新疆圖志

奏議卷五

五四

朝廷西顧之憂則設行省改郡縣事有不容已者合無仰懇

天恩飭戶兵兩部速將咸豐初年陝甘新疆報銷卷冊各全分及新疆額徵俸薪餉需兵制各卷宗由驛發交肅州俾臣得稽考舊章按照時勢斟酌損益以便從長計議奏請定奪茲因欽奉

諭旨統籌全局直抒所見謹據愚見所及披瀝密陳伏乞

聖鑒訓示施行

左宗棠奏官軍剋期進剿應防賊蹤紛竄摺

竊臣欽奉光緒三年七月初二日

上諭左宗棠擬俟新秋採運足供鼓行而西刻下已屆秋令著即檄飭各軍剋日進兵節節掃蕩白彥虎素稱狡猾務當設法就地擒斬毋任再行遠竄等因欽此見據總理行營營務處總統馬步各軍西甯道劉錦棠稟構托克遜各城攻取後擬乘勝進規南路八城祇因吐魯番新糧收穫需時哈密巴里坤車馱轉運陳糧難於驟集正直馳隻歇廠轉運艱難無從設法又地本火州

新疆圖志

奏議志五

五五

舊壤夏令炎威灼人未可急進擬俟八月初旬涼風漸至各營糧運稍資裹帶當即獎帥師徒鼓行而西惟近據降回供稱逆回白彥虎一股分踞庫爾勒附近一帶議俟官軍進逼即翻山北竄伊犁綏來等處請即咨行北路軍營加意偵探截擊務遏竄蹤臣維安集延逆酋怕夏父子伏誅餘孽自無棄巢遠竄之事惟白逆一股分踞庫爾勒附近一帶極為散漫該逆悍鷙不足狡猾有餘見雖偷息開都河兩岸一聞官軍進逼其避兵鼠竄自在意中察看賊之竄路有三一西竄庫車阿克蘇

一帶一迤西而北竄伊犁境內一東南竄羅布淖爾取道吐魯番界覓荒僻無人之境東竄敦煌以取通海藏之路就此三路而言如西竄庫車阿克蘇是本官軍追賊必出之途無庸別籌布置如旁竄羅布淖爾一帶地僻人稀逆眾盤旋山澤間難以善脫狡謀或不出此惟翻山而竄伊犁邊界以出昌吉綏來則地勢平行道路紛歧難於遮截非預爲擇要堵剿不可也臣巴密飭劉錦棠張曜於進兵時就近攔截遏賊奔衝免分兵力賊果西竄自當躡蹤追剿期於盡殺乃止如其回竄而南

張曜所部及留後各營當相機截擊巴里坤哈密安西等處防營節節布置尙可無虞所宜預爲籌策者北竄一著耳窮寇亡命狂奔急何能擇苟恃距賊過遠防範稍疏誠慮倉猝聞警將貽意外之患傳曰不備不虞不可以師此所宜慎也除飛咨幫辦軍務伊犁將軍臣金順暨駐精河之廣州副都統福珠哩嚴飭所部遠發偵探加意預防一遇回逆股匪竄近即行截剿毋使一名漏網并飛咨署烏魯木齊都統臣英翰檄飭統領卓勝軍金運昌加意偵探防剿毋稍疏忽外相應請



旨飭下額勒和布保英英廉金順英翰一體加意嚴防  
以昭周密而竟全功所有官軍剋期西進並防賊紛竄  
情形恭摺馳陳伏乞  
聖鑒訓示施行

新疆圖志



奏議志五

左宗棠奏官軍連復喀喇沙爾庫車進規阿克蘇摺  
竊臣前奏奉

諭旨左宗棠擬俟新秋採運足供鼓行而西刻下已屆  
新秋著即檄飭各軍剋日進兵節節掃蕩比即恭錄行  
知嗣據總理行營營務處總統馬步各軍三品卿銜布  
政使銜甘肅西甯道法福靈阿巴圖魯劉錦棠報稱七  
月十七日先派提督湯仁和率隊由托克遜進紮蘇巴  
什阿哈布拉爾處八月初一日續派總兵董福祥張俊  
等率步隊二營由阿哈布拉桑樹園庫木什榆樹溝星

新疆圖志

奏議卷五十五

五八

星子烏沙塔拉一帶前進安紮哨壘至曲惠安營又派  
提督張春發率隊由伊拉湖小道進至曲惠與張俊會  
隊均曳負薪草開濬泉井按程預備以待大隊續至二  
十一日劉錦棠分飭各步隊由大路進自率馬隊各營  
由小路進二十六日齊抵曲惠詢知十八日有騎賊百  
餘前來窺探瞥見官軍隊伍即返馬狂奔二十七日派  
提督余虎恩黃萬鵬等率馬步十四營取道烏沙塔拉  
傍博斯騰淖爾西行出庫爾勒之背爲奇兵二十九日  
劉錦棠率隊由大路向開都河進發爲正兵開都河源

自天山之麓匯而南趨貫庫爾喀喇沙爾之中下流  
注於博斯騰淖爾古所謂沕澤者也白逆自喀喇沙爾  
過開都河西岸即壅開都河水以阻官軍漫流泥濘闊  
可百餘里劉錦棠帥至遣騎試探深者滅頂淺者亦及  
馬背次日舍淖路望謙地迤行六七十里一溪前橫深  
亦丈許傳令將士梟水逕過仍向謙地紆折而前約百  
二十里方達開都河東岸飭馬步五營搭造浮橋堵塞  
上流就原來謙地掘修車道九月初一日劉錦棠親入  
喀喇沙爾城中巡視大城水深數尺官署民舍蕩然無

存所有纏回均被白逆迫脅隨行間有存者隱匿山谷  
不敢出也劉錦棠諭和碩特台吉札希德勒克速遷所  
管蒙民數百戶前來以實後路初一日率蒙民嚮導探  
河身淺處輕騎滅裝亂流而渡沿途民舍均已燒燬亦  
無居民初三日過哈爾哈阿滿溝馬隊在前突有騎賊  
百餘斜掠而過騎兵縱馬追斬十餘騎生擒兩賊驗視  
皆安夷裝束訊之則陝回也據供白逆於秋糧甫獲即  
迫纏頭悉數搬糧入庫車聞官軍將至迫其隨行回性  
怯弱不敢有違此來爲探官軍進止訊畢斬之是日余

虎恩等亦從間道馳至比入庫爾勒則空城一座聞無人煙而行糧已罄後路轉運車駝未至軍無見糧劉錦棠令軍士覓掘窖糧得數十萬斤一面飛輓後路轉運接濟一面派員招輯難回此九月初一初三等日官軍收復喀喇沙爾庫爾勒等城安撫難民之實在情形也劉錦棠偵知白逆因策達雅爾洋薩爾兩處纏回及烏魯木齊吐魯番各難回尙有未經盡徙者復至洋薩爾迫脅隨行乃於各營步隊挑選健卒一千五百名馬隊挑選精騎一千名作爲頭隊親率以行令道員羅長祐

百里矣訊據擒賊供稱白逆家口已於前十日過此並有悍賊二千護之此間與洋薩爾纏頭及烏魯木齊哈密吐魯番各城裏來漢回喀喇沙爾裹來蒙民均經白逆派令頭目驅向庫車此起係殿後之賊等語初十日五更頭隊行四十里瞥見前面騎步數萬以測微鏡瞭之見持械賊不過千餘其餘皆扶老攜幼驅車牽牛雜選攢集知爲賊脅難民劉錦棠傳令手執軍械者斬餘均不問須臾號鼓齊鳴馬步並進賊敗委難民而去甫數里復列隊挺矛以待官軍奮威衝殺賊乃狂奔是日

新疆圖志

奏議志五

六

駐營阿爾巴台劉錦棠派陶生林護難民歸布告爾洋薩爾兩處權爲安插十一日馳抵托和奈地方令數十騎偵視回莊有無伏賊遇數賊奪門出擒訊始知白逆於是日逕向庫車竄走莊中蒙回未被脅去者尙萬餘均伏地號呼劉錦棠撫諭安居如常勿庸驚怖是夜四鼓拔隊行三十里距庫車大城不遠聞鎗礮聲官軍急進見纏回數萬散布郊原訊知皆庫車之不願隨賊西行者賊見官軍至方集隊抗拒劉錦棠令黃萬鵬崔偉畢夫才禹中海禹益長李金良馬殿林率旌善馬隊由

右譚拔萃賀長發戴宏勝率步隊繼之章洪勝方友升  
夏辛酉張宗本率馬隊由左張俊胡登花石蘊玉率步  
隊繼之劉錦崇自率馬隊居中調運羅長祐率後隊馬  
步繼進騎賊四五千分兩路來拒官軍擊之斃賊已多  
賊仍死鬪譚拔萃等步隊繼進正鏖戰間羅長祐後隊  
馬步大至橫躍入陣賊始大潰官軍乘勝蹙之追殺四  
十里沿途賊屍駢列約計陣斃之賊不止千數也自此  
西行即度戈壁非攜水不可而庫車纏回急宜安撫遂  
收隊回庫車撫諭回民令各安堵如故訊擒賊供本日

陣前轟傷賊目即賊中總領馬由布也白逆聞官軍連  
到先遣人護眷口西行已爲殿後並嚇悍黨迫脅回衆  
隨行北官軍奄至回衆不願前進諸賊正開鎗轟逼忽  
官軍大至悍黨乃舍所脅回衆以拒官軍不料一敗至  
此問白逆裹回衆隨行何意擒賊供聞賊中計議一使  
官軍無所資藉難以遠追一欲多裹纏回至喀什噶爾  
獻之新怕夏伯克胡里爲結納計訊畢斬之此九月十  
二日克復庫車城安撫回衆實在情形布十二日劉錦  
崇拔隊啟行馳百八十里次日抵扣色爾發報後仍緊

追拜賊以指阿克蘇將窮賊所往盡力追殺其張曜一軍於九月初旬次第准發張曜料理善後畢中旬亦即啟行臣以喀喇沙爾本南路八城之一庫爾勒舊號腹區蒙回被賊驅迫非其本懷應設撫輯善後局籌給賑種待其來歸課以耕牧一而平治道路修造渡船安設驛站以通商旅而速郵傳現委同知銜留川補用知縣黃繼裕分省補用巡檢顏廷奎作爲喀庫善後撫輯局員攜銀前往妥爲經理其庫車至阿克蘇一帶雖咨請張曜於繼進之便隨時規畫而經理必有專員已飭古

城探運局布政使銜道員陶兆熊馳赴劉錦棠軍前聽候差委將來大軍前進局勢日寬克一城即須設一局委員尙宜預爲遴派庶資差遣也此次劉錦棠率所部馬步追剿逆回擒斬悍賊雖不過千數百名而自庫爾勒破行躡蹤奮擊六日夜馳九百里收復喀喇沙爾庫車兩城其餘城堡回莊無數現指阿克蘇拔出被裹回衆以十萬計據報庫車一帶糧料充足用價採買較吐魯番尙易不但可省轉運勞費並免遲悞戎機尤爲幸事將士感沐

皇仁踴躍前驅不辭艱瘁其勞烈實有未可掩抑者應  
否

恩允存記彙獎出自

聖裁其力戰陣亡之各員應請

旨飭部各照官階從優議卹以慰忠魂謹將追剿獲勝

連復喀喇沙爾庫車各城現籌進取並籌布後路情形

會同幫辦新疆軍務大臣伊犁將軍臣金順恭摺馳陳

伏乞

聖鑒訓示施行

新疆圖志

奏議卷五

六四

